



I.

RVSSIAE TOPOGRAPHICA
descriptio, è probatissimis autho-
ribus compendio depromta.

RVSSIA, quæ & Muscovia à
metropolis nomine vulgo di-
citur, fines habet ad arctum
Lappiam, & oceanum septen-
trionalem; ad orientem Tartaros Na-
gaios; ad meridiem Tartariam Cri-
meam sive Perecopensem; ad occidentē
denique Poloniam, Lithuaniam, Livo-
niam, Sueciam. Quemadmodum jam
uni Principi paret, continet provincias
hasce: Volodemeriam, Moscoviam,
Nisnovogrodiam, Pleskoviā, Smo-
lensko, Novogrodiam Velicam, Rosto-
viam, Yaruslaviam, Bealezeram, Rezam,
Dvvinam, Corgapoliam, Meshoram,
Vagham, Vstugam, Galetsam. Quibus
superiori seculo Principes Russiæ ar-
mis acquisitas adjunxerunt Tiverram,
Yonghoriam, Permianū, Vadskam,
Boughoriam, Chernigo, Oudoriam,
Condoram, & magnam Siberiæ partem;
cujus incolæ licet non sint Russi, tamen

M O S C O V I A E.

les Russiæ Duci pro tributo ferunt. Nullæ hic urbes aut arces, ac ne pagi quidém.

Lucomoria Regio.

Hæc Regio longo tractu juxta mare septentrionale protenditur. Incolæ passim in sylvis & campis degunt. Huic regioni confines sunt; Grustintzi & Serponovvtzi, à castro Grustina ad lacum Kitaysko sito ita dicti. Ab hoc lacu homines nigri, communis idiomatis ignari, ad Grustinam arcem solent accedere, varias merces deferentes, præcipue uniones, gemmasque varias, quas Grustintzi ab ipsis permutatione mercantur. Omnes autem Lucomoriæ incolæ magno Duci sunt vectigales. Ex Lucomoriæ montibus Cossin fluvius oritur, qui in magnum fluvium Tachuim descendit.

Loppia Regio.

A Lucomoria ultra tendendo secundum mare glaciale Loppi populi agunt, barbarum & brutum hominum genus, qui incertis sedibus vagantur, piscibus & ferina victitates, & panis usum omnino ignorantes. Idioma proprium habent, & Russiæ Duci tributum pendere dicuntur. Regio illorum frigidissima est.

Ceremissi populi.

Ceremissi, Mordovotes, & Vachines, inter Viatkam & Vologdam provincias, vastas sylvas sine certis laribus